

IZVJEŠTAJ
O RADU PRAVOBRANILAŠTVA
KANTONA SARAJEVO
za period 01.01.2023. do 31.12.2023. godine

Sarajevo, mart 2024. godine

SADRŽAJ:

UVOD.....	3
NADLEŽNOSTI PRAVOBRANILAŠTVA.....	3
ZASTUPANJE.....	3
STRUČNA POMOĆ I DAVANJE MIŠLJENJA.....	4
ZAKONSKI OSNOV	4
POSTUPCI PRED SUDOVIMA I POSLOVI ZASTUPANJA.....	5
PODACI O KRETANJU PREDMETA.....	6
PARNIČNI POSTUPAK "P"	7
ZNAČAJNIJE PARNICE U 2023. GODINI.....	9
Značajnije parnice iz oblasti radno-pravnih sporova.....	9
Značajnije parnice iz oblasti obligaciono-pravnih sporova – naknada štete.....	11
Predmeti u kojima Kanton Sarajevo potražuje isplatu duga na ime koncesione naknade za eksploataciju.....	13
Značajniji postupci iz oblasti imovinsko-pravnih odnosa.....	15
IZVRŠNI POSTUPAK.....	17
IZVRŠNI POSTUPAK ZA NAPLATU SUDSKE TAKSE.....	17
Prinudna naplata sudske takse.....	17
NAPLATA TROŠKOVA PARNIČNOG I IZVRŠNOG POSTUPKA U 2023	19
PRAVNA MIŠLJENJA.....	20
VANSUDSKE NAGODBE.....	21
STAMBENI PREDMETI.....	21
PREDMETI U PRIPREMI.....	22
IZVJEŠTAJ O JAVNIM NABAVKAMA.....	22
SISTEMATIZACIJA RADNIH MJESTA.....	24
OCJENA STANJA I POSTIGNUTI REZULTATI.....	26
SARADNJA PRAVOBRANILAŠTVA SA ORGANIMA KOJE ZASTUPANJA.....	27
PROGRAMSKA ORJENTACIJA ZA NAREDNI PERIOD.....	27

Shodno članu 37. Zakona o pravobranilaštvu ("Službene novine Kantona Sarajevo", broj 33/08, 7/12, 44/16 i 45/21), Pravobranilaštvo Kantona Sarajevo podnosi Skupštini i Vladi Kantona Sarajevo:

IZVJEŠTAJ O RADU PRAVOBRANILAŠTVA KANTONA SARAJEVO

za period od 01.01.2023. do 31.12.2023.godine

UVOD

Shodno Zakonu o Pravobranilaštvu ("Sl. Novine Kantona Sarajevo" br. 33/08, 7/12, 44/16 i 45/21), Pravobranilaštvo Kantona Sarajevo (u daljem tekstu: Pravobranilaštvo) je državno tijelo koje preduzima mjere i pravna sredstva radi pravne zaštite imovine i imovinskih interesa Kantona Sarajevo i njegovih organa, kantonalnih organa uprave, kantonalnih upravnih organizacija, stručnih službi i drugih institucija čiji je osnivač Kanton Sarajevo kao i da preduzima mjere i pravna sredstva radi pravne zaštite imovine i imovinskih interesa Općine Ilijaš.

Sjedište Pravobranilaštva Kantona Sarajevo je u Sarajevu, na adresi Branilaca Sarajeva 21/1.

Pravobranilaštvom Kantona Sarajevo rukovodi pravobranilac.

NADLEŽNOSTI PRAVOBRANILAŠTVA

ZASTUPANJE

Pravobranilaštvo preduzima pravne radnje, radi zaštite imovine i imovinskih interesa Kantona, pred sudovima i drugim nadležnim organima, kao i u drugim slučajevima zaštite imovine i imovinskih interesa Kantona, kada je na to ovlašteno zakonom.

U preduzimanju navedenih pravnih radnji, kao i u drugim slučajevima kada je na to ovlašteno zakonom, Pravobranilaštvo ima položaj i prava stranke u postupku, te je ovlašteno da preduzima sve radnje koje preduzima stranka u postupku.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Ako Vlada Kantona drugačije ne odluči, Pravobranilaštvo, pored vršenja poslova određenih zakonom, zastupa Kanton u postupcima pravne zaštite imovine i imovinskih interesa Kantona pred stranim sudovima, arbitražama i drugim stranim državnim organima i organizacijama.

Također, Pravobranilaštvo Kantona Sarajevo može zastupati navedene organe koji su tuženi u upravnom sporu, ako ga isti na to ovlaste.

STRUČNA POMOĆ I DAVANJE MIŠLJENJA

Pravobranilaštvo pruža stručnu pomoć organima, fondovima, preduzećima i drugim pravnim licima čiji je osnivač Kanton u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode.

Navedeni organi i pravna lica dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaže stvarima, odnosno materijalnim pravima, te ukoliko je predmet pravnog posla pokretna stvar ili imovinsko pravo čija vrijednost prelazi 10.000 KM na dan utvrđivanja vrijednosti.

Pored toga, Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko-pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

U postupku donošenja općih akata, kojima se uređuju imovinsko-pravni odnosi, prava i obaveze prema stvarima i vlasništvu Kantona, obavezno se pribavlja mišljenje pravobranioca.

Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak.

Visina taksi se kreće od minimalnih iznosa od 10,00 KM pa do 10.000,00 KM i više. Riječ je o velikom broju predmeta koje ovo Pravobranilaštvo svakodnevno zaprima od Općinskog suda u Sarajevu. Složenost istih se posebno ogleda u tome da su nerjetko takseni obveznici strani ili državljani BiH sa prebivalištem u inostranstvu, što iziskuje znatno više vremena na pronalaženju i identifikaciji istih, zatim utvrđivanju osnova njihovih primanja a sve u cilju naplate sudske takse. Također važno je spomenuti i nemogućnost naplate taksi od onih pravnih lica koja su u međuvremenu likvidirana ili nad kojima je pokrenut stečajni postupak, kao i fizičkih lica koja ne ostvaruju prijavljene prihode. Kako je u pitanju značajna novčana suma koju ovo Pravobranilaštvo naplati u budžet Kantona, osnovano smo zatražili od Ministarstva finansija da se za ove uplate otvori posebna budžetska organizacija u cilju vođenja jasne evidencije o uplatama. U narednom periodu potrebna su dodatna sredstva za tehničku podršku praćenja naplate sudske takse u vidu instaliranja informatičkog programa.

ZAKONSKI OSNOV

Pravobranilaštvo postupa u skladu sa utvrđenim nadležnostima propisanim Zakonom o pravobranilaštvu i drugim propisima, na temelju državnih, federalnih i kantonalnih zakona, kao i podzakonskih akata.

Osim nadležnosti i djelokruga rada Pravobranilaštva iz ovog Zakona, nadležnost Pravobranilaštva je predviđena i drugim propisima: Zakonom o građevinskom zemljištu ("Sl. novine FBiH", br. 25/2003, 16/2004 - ispr., 67/2005 i 94/2018 - odluka US), Zakonom o eksproprijaciji ("Sl. novine FBiH", br. 70/2007, 36/2010, 25/2012, 8/2015 - odluka US i 34/2016), Zakonom o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016), Zakonom o stvarnim pravima ("Sl. novine FBiH", br. 66/2013, 100/2013 i 32/2019 - odluka US) koji je počeo sa primjenom 05.03.2014.godine., te drugim propisima.

POSTUPCI PRED SUDOVIMA I POSLOVI ZASTUPANJA

U okviru aktivnosti na poslovima zastupanja, Pravobranilaštvo je bilo angažovano na slijedećim poslovima:

- sačinjavanju tužbi i upućivanje istih nadležnim sudovima,
- izradi odgovora na tužbe zaprimljene protiv Kantona,
- zastupanje na ročištima,
- izrada pismenih podnesaka u toku trajanja postupka,
- ulaganju redovnih i vanrednih pravnih lijekova protiv odluka sudova,
- podnošenje apelacija pred Ustavnim sudom BiH,
- uključivanje u svojstvu umješaka u sudske sporove na strani jedne parnične stranke,
- davanju pismenog odgovora na pravne lijekove druge stranke u postupku,
- zaključivanje sudskih nagodbi, kao i pokušaj rješavanja sporova putem medijacije,
- sačinjavanju opomena pred tužbu i drugi administrativno-tehnički poslovi.

U 2023. godini u radu Pravobranilaštva evidentirano je ukupno 13.298 predmeta, od kojih je 1921 parničnih predmeta (P), 4993 izvršnih predmeta (I), 5421 predmeta izvršnog postupka za sudsku taksu (It), 101 upravnih predmeta (U), 278 mišljenje (M), 33 vanparničnih predmeta (Rv), 29 upravnih sporova (Us), 28 mišljenja u vezi nadležnosti Pravobranilaštva shodno čl. 16. Zakona o građevinskom zemljištu i čl. 363. Zakona o stvarnim pravima (Um), 332 internih spisa (Pk), 9 stambenih predmeta (Su) i 153 predmeta - priprema za parnicu (Pr).

Prema vrsti predmeta, tj. predmetu spora i postupaka shodno odredbama Pravilnika o poslovanju i vođenju evidencije u Pravobranilaštvu Kantona Sarajevo ("Sl. novine Kantona Sarajevo", broj 17/08) u kojima se Pravobranilaštvo pojavljuje kao zakonski zastupnik organa koje zastupa za period od 01.01.2023.–31.12.2023.godine, tabelarni pregled izgleda kako slijedi:



Vrsta Predmeta	Prenešeno iz ranijih godina	Primljeno u 2023.g	Ukupno u radu 2023.g	Riješeno u 2023.g	U radu sud-a ili organ-a uprave	Postotak rješenosti
"P" (parnični)	1.638	283	1.921	612	1.309	31.86 %
"I" (izvršni)	4.481	512	4.993	378	4.615	7.57 %
"It" (izvršni postupak za sudsku taksu)	3.478	1943	5.421	1.532	3.889	28.26%

“Rv” (vanparnični)	14	19	33	4	29	12,12 %
“M” (mišljenja)	33	245	278	248	30	89.21 %
“Pr” (priprema)	117	36	153	47	106	30.72 %
“Us” (upravni spor)	23	6	29	8	21	27,59 %
“U” (upravni postupak)	31	70	101	38	63	37,62 %
“Um” (mišlj. čl. 16.ZOGZ)	22	6	28	18	10	64.29 %
“Pk” (interni spisi)	0	332	332	332	0	100 %
“Su” (stambeni)	0	9	9	7	2	77,78%
UKUPNO	9.837	3.461	13.298	3.224	10.274	24.24%

Napomene radi, ukupan postotak riješenosti predmeta u 2023. godini, kao što proizilazi iz prikazane tabele zavisi isključivo od efikasnosti u postupanju Sud-a odnosno organa Uprave koji vodi svaki poseban predmet.

PODACI O KRETANJU PREDMETA

Pravobranilaštvo je tokom izvještajne godine imalo visok broj ulazne i izlazne pošte. Tabela pregled iste, omogućava nam određeni uvid u kretanje spisa po mjesecima u izvještajnom periodu, odnosno obimu poslova i zadataka koje je ovo Pravobranilaštvo obnašalo u protekloj godini, posebno ističući da Pravobranilaštvo ima određen broj sistematizovanih, a nepopunjenih radnih mjesta kao i da je jedna stručna saradnica na trudničkom bolovanju.



PARNIČNI POSTUPAK "P"

Parnični postupci su najsloženiji sudski postupci u kojem se rješavaju sporni odnosi, u kojima se od stranaka koje učestvuju u postupku zahtijeva visok stepen znanja i angažovanja. Parnični postupak predstavlja redovan put zaštite povreda prava proisteklih iz radno pravnih odnosa, građansko pravnih odnosa subjekata prava, kao i odnosa sa javnom vlasti. Parnični postupci se pokreću tužbom. Parnične stranke u postupku su tužitelj i tuženi, te se u parnici kao treće lice ukoliko imaju pravni interes mogu pojaviti i umješači kada isti učestvuju na strani jedne parnične stranke i žele da parnična stranka uspije u sporu. Kanton Sarajevo koji zastupa Pravobranilaštvo u sudskim postupcima učestvuje u svojstvu tužitelja, svojstvu tuženog ili u svojstvu umješača.

Kao i u predhodnim godinama tako i u 2023.godini Pravobranilaštvo Kantona Sarajevo se pojavljuje na strani tužitelja ili tužene u svojstvu umješača, a sve u cilju uspjeha stranke u postupku na čijoj strani se mijesha Pravobranilaštvo.

Posebno ukazujemo na mijeshaње u parnicama za određivanje visine naknade za zemljišta u vodozaštitnim zonama na strani tuženog KJKP Vodovod i kanalizacija kojih postupaka ima više od deset trenutno i čije vrijednosti se kreću od 500.000,00 KM pa nadalje po jednom predmetu u zavisnosti od broja tužitelja i veličine njihovih suvlasničkih dijelova.


Imajući u vidu složenosti postupaka kao i vrijednosti sporova koje u konačnici opterećuju budžet Kantona Sarajevo, Pravobranilaštvo se osnovano mijesha u postupke osporavajući tužbene zahtjeve. U protekloj godini ishodovana je jedna nepravosnažna sudska presuda kojom se tužbeni zahtjev odbija. Vrijednost spora je iznosila 1.066.030,00 KM. U ovom slučaju Sud je prihvatio argumentaciju da nije riječ o faktičkoj eksproprijaciji.

Po ovom pitanju i u 2023.godini kao i u predhodnoj, održali smo veliki broj sastanaka, uputili veliki broj akata i zahtjeva mnogim institucijama, počev od matične općine Ilidža gdje se sporne nekretnine nalaze, Zavoda za izgradnju KS, Historijskog arhiva zatim općine Istočna Ilidža i svih drugih relevantnih institucija koje bi eventualno mogle imati saznanja ili dokaze da li je u periodu od donošenja Odluke o zaštiti izvorišta vode za piće u Sarajevskom polju 1987 godine, u cijelosti proveden Program zaštite izvorišta vode za piće u Sarajevskom polju, odnosno da li je konkretno tužiteljima isplaćena naknada za zemljište koje je predmet tužbenih zahtjeva. Učestalo je ostvarivana telefonska komunikacija kao i putem e-maila sa punomoćnicima KJKP Vodovod i kanalizacija po ovom pitanju te su se održali i mnogobrojni sastanci zajedno sa nadležnim ministarstvima.

Navedeno se smatra i dalje jednim od najvažnijih i najaktuelnijih problema i pitanja koja trebaju da se riješe u što skorije vrijeme upravo radi visine tužbenih zahtjeva kao zakonskih zateznih kamata u vezi sa potraživanjima istih.


U ovom izvještajnom periodu bilo je ukupno u radu 1.921 parničnih predmeta, od kojih je 1.638 predmeta kao nezavršenih preneseno iz prethodnih godina. U 2023. godini je evidentirano 283 novih predmeta, a 612 predmeta je riješeno. Nesrazmjer između prenesenih predmeta iz ranijih godina i novozaprimljenih predmeta jeste posljedica dugotrajnog vođenja postupaka pred sudovima. Pod predmetima koji su preneseni iz ranijeg perioda između ostalih su i predmeti koji su po uvaženim žalbama Pravobranilaštva ukinuti pred drugostepenim sudom i vraćeni na ponovni postupak.

Grafički prikaz "P" predmeta u 2023. godini




U 2023.godini pravosnažno je okončano 612 parnica i to: 169 sa pozitivnim ishodom, 389 parnica sa negativnim ishodom i 54 parnica okončane su na drugi način. Razlozi negativnih ishoda parnica iz radnih odnosa su identični za sve vrste potraživanja razlika plaća u prethodnom periodu. Neusklađenost propisa, tačnije smanjenja plaća suprotno imperativnim zakonskim propisima, dovela su do negativnih posljedica u vidu gubljenja parnica. Važno je istaći da su gubici uvećani za troškove sudskog postupka, nalaze vještaka u postupcima i zakonske zatezne kamate. Na naprijed navedene posljedice i negativne ishode po budžet Kantona Sarajevo, Pravobranilaštvo je ukazivalo više puta.

Postotak riješenosti (%)



612 okončane parnice



Po vrsti i predmetu spora, najveći broj postupaka odnosi se na predmete po osnovu:

- radni sporovi, posebni dodatak na plaću i druga potraživanja iz radno-pravnog odnosa
- sporovi obligaciono-pravne prirode radi duga iz obligacionih odnosa, po osnovu koncesija, kredita i dr
- naknada šteta- materijalne i nematerijalne zbog povreda nanesenih ujedom pasa i drugih razloga, oštećenje imovine usljed neodržavanja saobraćajnica kao i drugi vidovi odštetnih zahtjeva
- utvrđenja imovinsko-pravnih odnosa (prava vlasništva, utvrđivanje obaveza nastalih usljed neriješenih imovinsko-pravnih odnosa i sl.

ZNAČAJNIJE PARNICE U 2023. GODINI

Značajnije parnice iz oblasti radno-pravnih sporova

Smatramo da je određene radne sporove navedne u okviru ovog odjeljaka izvještaja značajno spomenuti iako vrijednost spora u novčanom smislu nije značajna. Naime, priroda određenih sporova – utvrđivanje diskriminacije koja je navodno počinjena od strane Vlade KS i predstavnika sudskih i organa uprave, te moguće posljedice u socijalnom smislu u slučaju donošenja presuda kojim bi se tužbeni zahtjevi usvojili tj. sud utvrdio da je došlo do diskriminacije, kako to tužitelji tvrde, daje poseban značaj ovim predmetima. Ono po čemu se navedeni predmeti također ističu je izuzetna obimnost predmeta, konkretno dokaznog materijala, koja iziskuje značajno vrijeme koje je utrošeno za pregled i analizu istih.

Nove tužbe namještenika uposlenih u upravnim organima i uposlenika pravosudnih institucija (namještenici, sudije i tužioci) u Kantonu Sarajevo su obilježile 2023. godinu. Kada su u pitanju predmetne tužbe navedenih uposlenika, tužbeni zahtjevi se temelje pretežno na dva osnova. Prvi osnov je potraživanje razlike plaće namještenika po osnovu posebnih uslova rada. Drugi osnov se odnosi na razliku plaća nastalih usljed pripravnosti na radu, koja je propisana Kolektivnim Ugovorom za službenike organa uprave i sudske vlasti.

Tužbeni zahtjevi tužilaca odnose se na razliku plaća ostvarenih na osnovu prekovremenih sati na ime dežura. Naime, tužioci pored redovnog radnog vremena obavljaju i obavezne 24 satne dežure zbog čega smatraju tužbene zahtjeve osnovanim.

Značajniji predmeti iz oblasti radno pravnih odnosa predstavljeni su u tabeli koja slijedi.

Red. br.	Broj pred.	TUŽITELJ	TUŽENI	TUŽBENI ZAHTJEV	VRIJEDNOST SPORA	FAZA POSTUPKA
1.	P-106/21	IN d.o.o. Sarajevo	Kanton Sarajevo	Utvrđenje diskriminacije u postupanju sudija Općinskog suda u Sarajevu	100.000,00 KM	Revizija tužitelja pred vrhovnim sudom protiv drugostepene presude kojom je odbijen tužbeni zahtjev u cjelosti.
2.	P-30/21	Omerspahić Emin	Kanton Sarajevo, Uprava za inspeksijske poslove KS	Razliku neisplaćenih plaća i doprinosa kao naknadu štete na ime mobinga i diskriminacije		Zaključen postupak čeka se presuda
3.	P-7/19	Peljto Samir	1. Kanton Sarajevo,	Utvrđivanje diskriminacije i	30.000,00 KM	Zaključen postupak čeka

			Ministarstvo finansija 2. Halebić Jasmin	mobinga		se presuda
4.	P- 116/22	Bahtanović Almedin	1. Kanton Sarajevo, Ministarstvo unutrašnjih poslova, Uprava policije 2. Kanton Sarajevo, Policijski odbor	Utvrđenje nezakonitosti rješenja i njihovo poništenje, te utvrđenje diskriminacije (mobing)	4.500,00 KM	Okončan postupak, čeka se presuda
5.	P- 336/23	Begović Omer	1.Kanton Sarajevo, Vlada KS, Ministarsvo za odgoj i obrazovanje 2.JU O.Š. "Aneks"	Poništenje odluke za davanje saglasnosti za imenovanje direktora	5.000,00 KM	Završeno pripremno ročište
6.	P- 126/19	Efendić Emir	Kanton Sarajevo, Ministarstvo unutrašnjih poslova	Poništenje rješenja i isplata plaća i doprinosa za navedeni period	67.051,35 KM	Tužbeni zahtjev odbijen u cijelosti. U toku žalbeni postupak
7.	P-9/22	Općina Vogošća	Kanton Sarajevo	Isplata po pravomoćnim presudama	41.527,59 KM	Prvostepenom presudom odbijen tužbeni zahtjev
8.	P - 12/21	Amna Mutapčić	1. Kanton Sarajevo, Ministarstvo pravde i uprave 2. Federacija BiH	Utvrđivanje i otklanjanje diskriminacije	5.100,00 KM	Pravomoćno odbijen tužbeni zahtjev, u toku žalbeni postupak

Značajnije parnice iz oblasti obligaciono-pravnih sporova – naknada štete

Kao i svake godine i u 2023.godini, Pravobranilaštvo je od organa uprave zaprimilo zahtjeve sa pratećom dokumentacijom za pokretanje parničnih postupaka za nakandu štete nastale po različitim osnovama. S druge strane zaprimali smo tužbe u kojima je Kanton tužen po istom osnovu. U tabeli ispod predstavljene su najznačajnije parnice po osnovu naknade štete koje su zaprimljene, u toku su ili su pak okončane u predstojećoj godini.

Re d. br.	Broj pred.	TUŽITELJ	TUŽENI	TUŽBENI ZAHTEJEV	VRIJEDNOST SPORA	FAZA POSTUPKA
1.	P-143/18	Centrotrans-Eurolines dd Sarajevo	Kanton Sarajevo	Tužba radi isplate duga	1.447.067,94	Glavna rasprava u toku
2.	P-53/22	Memnuna Ibrahimović	1.Kanton Sarajevo 2.KJKP ViK d.o.o. Sarajevo	Naknada štete	667.110,00 KM	Prvostepeno m presudom odbijen tužbeni zahtjev u cijelosti
3.	P-43/21	"Mujanići" d.o.o. Vogošća	Kanton Sarajevo-Kantonalna uprava za inspekcijske poslove	Naknada štete	46.692,31 KM	Tužitelj je na presudu kojom je odbijen tužbeni zahtjev uložio žalbu
4.	P-145/18	Kanton Sarajevo	Poljoprivredno dobro "Butmir" d.o.o. Ilidža	Tužba radi isplate duga	134.096,50	Pravomoćno usvojen tužbeni zahtjev u cijelosti
5.	P-58/22	Kanton Sarajevo, Ministarstvo unutrašnjih poslova	"Danial S" d.o.o. Tešanj	Radi raskida ugovora I povrata uplaćenih sredstava	861.301,35 KM	Glavna rasprava u toku
6.	P-38/18	Kanton Sarajevo, Ministarstvo privrede	RMU "Breza" d.o.o. Breza	Tužba radi isplate duga	517.421,70 KM	Pravomoćno okončan, usvojen tužbeni zahtjev u cijelosti. Postupak po reviziji
7.	P-	Zdravstvena	1. Kanton	Naknada	6.790.000,00 KM	Pripremno

7.	40/23	ustanova ATRIUM Sarajevo i dr.	Sarajevo 2. ZZO Kantona Sarajevo	izgubljene dobiti		ročište završeno
8.	P- 84/21	Selimović Jasmina	Kanton Sarajevo, Uprava za šumarstvo	Naknada štete	80.000,00 KM	Faza glavne rasprave
9.	P- 169/23	Aljović Mejra	Kanton Sarajevo, Općinski sud u Sarajevu	Naknada štete	1.033.000,00 KM	Faza glavne rasprave
10.	P-4/20	Farmacop d.o.o.	1. Direkcija za robne rezerve KS 2. Kanton Sarajevo	Naknada štete zbog neispunjenja ugovora	65.431,00KM	Donesena presuda kojom se tužbeni zahtjev odbija
11.	P- 127/19	1. FE AL METALI d.o.o. 2. Hajrudin Mulić	1.Kantonalna agencija za privlačenje stranih investicija 2. Kanton Sarajevo	Naknada štete radi nemogućnos ti ulaska u posjed privatizovani h nekretnina	8.745.415,00	Odbijen tužbeni zahtjev prvostepeno m presudom, u toku je žalbeni postupak
12.	P - 10/20	Farkić Boris	1. Kanton Sarajevo 2. VSTV	Naknada štete	274.000,00 KM	Radi stvarne nenadležnosti Suda BiH predmet dostavljen parničnom odjelu Općinskog suda
13.	P - 54/19	Krajinović Zlatko, Kanton Sarajevo - umješač	1. Općina Stari Grad 2. Abdagić Mensur	Utvrđivanje ništavosti zaključenih ugovora o iznajmljivanju parking prostora	/	Prvostepeno m presudom tužbeni zahtjev usvojen u cjelosti. Žalbeni postupak u toku.
14.	P - 119/19	SAS Security	1. Kanton Sarajevo 2. Sarabon d.d.	Naknada štete	297.334,19 KM	Pravomoćno odbijen u cjelosti.

			u stečaju			
15.	P – 192/22	Direkcija za puteve KS	Eurolakat BH d.o.o. Sarajevo	Bespravno korištenje i naknada štete	1.526.118,00 KM	Prekid postupka radi rješavanja predhodnog pitanja
16.	P- 86/22	Kanton Sarajevo, Ministarstvo privrede	Općina Trnovo	Raskid Sporazuma o sufinansiranju u izgradnje sportsko rekreacionog centra na Bjelašnici	200.000,00 KM	Okončan postupak čeka se prvostepeni presuda
17.	P- 275/23	Milutinović Miroslav	1.BiH, Ministarstvo vanjskih poslova 2.FBiH, Vlada FBiH, Služba za zajedničke poslove 3.Kanton Sarajevo, ministarstvo Komunalne privrede, infrastrukture, pr. Uređenja i zašt. okoliša	Naknada štete	100.000,00 KM KM	Dostavljen odgovor na tužbu zahtjev uložio žalbu
18.	P-9/22	Općina Vogošća	Kanton Sarajevo	Isplata po pravomoćnim presudama	41.527,59 KM	Prvostepeno m presudom odbijen tužbeni zahtjev

Predmeti u kojim Kanton Sarajevo potražuje isplatu duga na ime koncesione naknade za eksploataciju

Pravobranilaštvo Kantona Sarajevo pred Općinskim i Kantonalnim sudom u Sarajevu vodi parnice u vezi sa potraživanjima na ime eksploatacije građevinskog kamena i eksploatacije vode. U većini predmeta ove vrste pravni osnov za utuženje je bila Odluka o naknadi za eksploataciju vode na području Kantona Sarajevo (Sl. novine Kantona broj 29/12), koja je početkom 2018. godine stavljena van snage. Riječ je, dakle, o koncesionarima sa kojima Koncesor nije imao zaključen ugovor.

Podsjećanja radi, prema definiciji koncesija predstavlja davanje prava na korištenje prirodnih bogatstava, dobara u općoj upotrebi ili obavljanje djelatnosti od općeg interesa, koje nadležni kantonalni organi (koncesor) dodjeljuje na određeno vrijeme, uz plaćanje koncesione naknade, domaćem ili stranom pravnom ili fizičkom licu registrovanom za obavljanje privredne djelatnosti (koncesionar), pod uslovima propisanim Zakonom.

Red. br.	Broj pred.	TUŽITELJ	TUŽENI	TUŽBENI ZAHTEJ	VRIJEDNOST SPORA	FAZA POSTUPKA
1.	1. P-522/16	Kanton Sarajevo	"Hoteli Ilidža" d.d. Ilidža	Naknada za eksploataciju vode	626.630,59 KM	Donesena drugostepena presuda kojom je žalba tuženog odbijena
2.	P – 672/15	Kanton Sarajevo	Srednjobosanski kanton	Naknada za eksploataciju dolomita	411.039,00 KM	Okončan predmet pred vrhovnim sudom odbijena revizija tuženog
3.	P-263/23	Kanton Sarajevo	"Sarajevo international" d.o.o. Sarajevo	Isplata duga po osnovu Ugovora o koncesiji	449.378,37 KM	Pripremno ročište zakazano za 08.05.2024
4.	P-264/23	Kanton Sarajevo	"Sarajevo international" d.o.o. Sarajevo	Naknada po osnovu Ugovora o koncesiji	538.364,97 KM	Podnesena tužba
5.	P-80/18	Kanton Sarajevo	Željezara Ilijaš d.d. Ilijaš	Naknada za eksploataciju vode	589.050,00 KM	Postupak pravomoćno okončan Tužbeni zahtjev usvojen
6.	P-43/18	Kanton Sarajevo, Ministarstvo privrede	Termalna rivijera	Dug po osnovu eksploatacije vode	302.913,00 KM	Pravosnažno okončan, usvojen tužbeni zahtjev u cijelosti
7.	P-488/1	Kanton Sarajevo,	"Bags energotehnika"	Dug po osnovu eksploatacije	12.298.963,50 KM	Pravosnažno okončan,

	6	Ministarstvo privrede	d.d.	vode		usvojen tužbeni zahtjev u cijelosti
--	---	--------------------------	------	------	--	--

Za izvještaj o radu 2023 godine, posebno izdvajamo predmet protiv Hotelsko banjsko-rekreativnog društva "Hoteli Ilidža" d.d. Ilidža i ishodovanje pravomoćne presude u korist Kantona Sarajevo, a nakon što je prvostepenom presudom odbijen tužbeni zahtjev radi isplate novčanog iznosa od 626.630,59 KM na ime naknade za eksploataciju vode za period od 01.06.2013. do 31.03.2016. godine, sa zakonskom zateznom kamatom i troškovima postupka. Nakon što je Pravobranilaštvo podnijelo žalbu, a Kantonalni sud je usvojio predmet je vraćen prvostepenom sudu na ponovno suđenje. U ponovno provedenom prvostepenom postupku sud je dana 14.07.2023. godine, donio presudu kojom je tužbeni zahtjev tužitelja u cijelosti usvojen i tuženi obavezan da tužitelju na ime naknade za eksploataciju vode isplati ukupan novčani iznos od 626.630,59 KM sa zakonskim zateznim kamata kako je to navedeno u izreci predmetne presude i troškovima postupka u iznosu od 12.694,25 KM. Ova odluka je pravomoćna i u toku je postupak prinudne naplate putem suda.

Značajniji postupci iz oblasti imovinsko-pravnih odnosa

Među najznačajnijim postupcima iz ove oblasti smatramo da su utvrđivanja prava vlasništva, bilo da se Kanton Sarajevo nalazi na strani tužitelja ili na suprotnoj strani.

Riječ je dakle o postupcima u kojima se zasigurno provodi najveći broj dokaza, postupci koji imaju gotovo uvijek velike vrijednosti pa im se iz tih razloga posvećuje najviše vremena, energije i znanja. U slijedećoj tabeli prikazani su najznačajniji postupci iz ove oblasti.

Red br.	Broj pred.	TUŽITELJ	TUŽENI	TUŽBENI ZAHTJEV	VRIJEDNOST SPORA	FAZA POSTUPKA
1.	P-662/16	Kanton Sarajevo	Poljooprema d.d. Sarajevo i dr.	Utvrđenje ništavosti ugovora o prodaji nekretnina	2.500.000,00 KM	Zaključena glavna rasprava
2.	P-74/20	Higijena d.o.o. Sarajevo	1.Kanton Sarajevo 2.Zavod za izgradnju KS	Naknada na ime faktičke eksproprijacije	400.000,00 KM	U toku ponovni postupak
3.	P-103/23	1.Kanton Sarajevo, 2.Univerzitet u Sarajevu	Zavod za saobraćaj Građevinskog fakulteta Sarajevo-u stečaju	Osnovanost izlučne prijave u stečaju	1.000,00 KM	Podnesena tužba i održano pripremno ročište

4.	P-14/21	Općina Hadžići	KJP Sarajevo-šume d.o.o. Umješač: Kanton Sarajevo	Utvrđenje prava vlasništva	50.100,00 KM	Donesena presuda kojom je tužbeni zahtjev odbijen.
5.	P-966/12	AD RUBIN	Kanton Sarajevo, Ministarstvo privrede	Radi smetanja posjeda	257.897,15 KM	Presudom Vrhovnog suda FBiH odbijena revizija tužitelja.
6.	P-80/17	Kanton Sarajevo	Savez izviđača FBiH	Utvrđenje prava vlasništva	31.000,00 KM	Okončan predmet, odbačena revizija tužitelja
7.	P-81/22	Krajišnik Nenad i dr.	KJKP Vodovod i kanalizacija d.o.o. Kanton Sarajevo umješač na strani tuženog	Utvrđivanje tržišne vrijednosti parcela tužitelja i isplata tržišne vrijednosti za iste	1.060.960,00	Odbijen tužbeni zahtjev u cijelosti u toku je žalbeni postupak
8.	P-135/22	Radojević Nadežda	KJKP Vodovod i kanalizacija d.o.o. Kanton Sarajevo umješač na strani tuženog	Utvrđivanje tržišne vrijednosti parcela tužitelja i isplata tržišne vrijednosti za iste	233.440,00	Zaključen čeka se presuda

U ovom dijelu, iako nije bilo predmet sudskih postupaka, vrijedno istaći postupanje Pravobranilaštva Kantona Sarajevo u predmetu po Zahtjevu JU O.Š. "Malta" u rješavanju imovinsko-pravnih odnosa na nekretninama koje su u posjedu i koje koristi škola, a koje je bilo preduslov za planiranu nadogradnju školskog objekta. Radilo se o izuzetno složenim problemima koji su predhodili upisu prava vlasništva nekretnina u korist Kantona Sarajevo, a koji su se ogledali u iscjepkanosti nekretnine na više kaskastarskih čestica sa većim brojem upisanih trećih lica kao titulara prava vlasništva. S obzirom da je u toku izgradnje škole predhodno proveden postupak eksproprijacije, bilo je neophodno pronaći dokaze o isplaćenim naknadama za ekspropisano zemljište što je uz naporan rad u saradnji sa

Zavodom za izgradnju Kantona Sarajevo postignuto, da bi se u konačnici Kanton Sarajevo upisao sa pravom vlasništva 1/1 na predmetnim nekretninama.

VANPARNIČNI POSTUPAK

U 2023. godini ukupno u radu ovog Pravobranilaštva bila su 33 vanparnična predmeta. Dosadašnja praksa suda je bila da u vanparničnim postupcima Direkcija za puteve se zastupa samostalno. Promjenjenom odlukom Kantonalnog suda, dostavljeni su svi spisi ovom organu kao zakonskom zastupniku za zastupanje u postupcima određivanja naknade tržišne vrijednosti zemljišta koje se ekspropriše. Dakle, u postupcima određivanja naknada cijena nekretnina koje se eksproprišu za potrebe izgradnje javnih cesta ovaj organ zastupa i svojim znanjem i iskustvom pokušava osporiti tržišne cijene koje vještaci u postupcima određuju u visočijim iznosima od procjena koje su nastale u upravnim postupcima. Praksa je postala da raniji korisnici zauzetih nekretnina podnose prijedloge za sudsko odlučivanje nezadovoljni ponuđenim iznosom i na taj način pokušavaju uz pomoć vještačenja postići maksimalan iznos cijene svojih nekretnina.

IZVRŠNI POSTUPAK

U 2023. godini u radu je evidentirano 4.993 izvršnih predmeta, od kojih je u 2023. godini zaprimljeno 512, a prenesno je iz ranijih godina 4.481 predmeta. Od ukupnog broja predmeta u 2023. godini okončano je 378, a u radu je ostalo 4.430 predmeta, sve kao u slijedećem tabelarnom pregledu.

Vrsta Predmeta	Preneseno iz ranijih godina	Primljeno u 2023.g.	Ukupno u radu 2023.g.	Riješeno u 2023.g.	U radu sud organ uprave	Postotak riješenosti
"I" (izvršni)	4.481	512	4.993	378	4.615	7.57 %

U izvršnim postupcima Kanton Sarajevo se pojavljuje kao izvršenik ili kao tražilac izvršenja. U izvršnim postupcima u kojima se Kanton Sarajevo pojavljuje kao izvršenik, tražioci izvršenja su tužitelji u predmetima u kojima je pravomoćnim presudama obavezan Kanton Sarajevo na isplatu određenog novčanog iznosa (u većini slučajeva radi se o predmetima iz radnih odnosa) i kojima se na osnovu pravomoćnih i izvršnih presuda predlaže prinudna naplata.

Pravobranilaštvo je u svim predmetima u kojima je donesena pravomoćna i izvršna presuda u korist Kantona Sarajevo i kojima su tuženi obavezani da Kantonu Sarajevo isplate određene novčane iznose, pokrenulo izvršne postupke radi prinudnog namirenja.

Ističemo da je Pravobranilaštvo Kantona Sarajevo, na osnovu Presude Općinskog suda u Sarajevu, pokrenulo izvršni postupak protiv društva "BAGS-ENERGOTEHNIKA" d.d. Vogošća, radi naplate duga u iznosu od 4.186.609,50 KM, sa zakonskom zateznom kamatom i troškovima postupka, o čemu smo detaljno pisali u Izvještaju za 2021. godinu. Nakon što su izbrisane hipoteke sa imovine navednog preduzeća to je izvršni postupak nastavljan na nekretninama izvršenika. U 2023. godini zaprimili smo pravosnažnu presudu na iznos od 12.298.963,50 u korist Kanton Sarajevo. Također je pokrenut izvršni postupak na nekretninama koje su ranije obuhvaćene

prijedlogom za izvršenje. U toku je procjena tržišne vrijednosti nekretnina po vještaku građevinske struke.

Izvršni predmet po pitanju naplate sredstava koji je najznačajniji bio u 2022.godine je svakako Sporazum o isplati duga na rate zaključen između pravnog lica "Termalna rivijera Ilidža" d.o.o. Sarajevo i Kantona Sarajevo. Navedni Sporazum obezbjeđen je bankovnom garancijom. Ukupna vrijednost Sporazuma je 1.558.438,56 KM. U 2023 godini navedeno pravno lice uredno ispunjava Sporazumom preuzete obaveze.

IZVRŠNI POSTUPAK ZA NAPLATU SUDSKE TAKSE

PRINUDNA NAPLATA SUDSKE TAKSE

Pravobranilaštvo Kantona Sarajevo je na osnovu člana 30. stav 2. Zakona o sudskim taksama Kantona Sarajevo ("Sl. novine Kantona Sarajevo", br. 36/2014 i 23/2016) ovlašteno za prinudnu naplatu neplaćene sudske takse, te na osnovu dostavljenog rješenja suda i obavještenja o neplaćenju taksi pokreće pred nadležnim sudom izvršni postupak.


Visina taksi se kreće od minimalnih iznosa od 10,00 KM pa do 10.000,00 KM i više. Riječ je o velikom broju predmeta koje svakodnevno zaprimamo od Općinskog suda u Sarajevu. Složenost istih se posebno ogleda u tome da su nerjetko takseni obveznici strani državljani što iziskuje dodatno više vremena na pronalaženju i identifikaciji istih, zatim utvrđivanju osnova njihovih primanja, a sve u cilju naplate sudske takse. Također važno je spomenuti i nemogućnost naplate taksi od onih pravnih lica koja su u međuvremenu likvidirana ili nad kojima je pokrenut stečajni postupak, kao i fizičkih lica koja ne ostvaruju prijavljene prihode. Kako je u pitanju značajna novčana suma koju ovo Pravobranilaštvo naplati u budžet Kantona, osnovano smo zatražili od Ministarstva finansija da se za ove uplate otvori posebna budžetska organizacija u cilju vođenja jasne evidencije o uplatama.

Ukupno u radu za 2023. godinu bilo je 5.421 predmet, iz ranijih godina je preneseno 3.478, a zaprimljeno je 1.943 novih predmeta.

Značajan broj predmeta naplaćen je pismenim opomenama pred pokretanje izvršnih postupka u kojim slučajevima smo izbjegli nepotrebne troškove.

U slučaju pokretanja izvršnih postupaka kako u predhodnim tako i u izvještajnoj godini, Pravobranilaštvo nailazi na prepreke koje usložnjavaju i vremenski produžavaju postupanja po istim, a koje se ogledaju u tome da se u svakom predmetu radi identifikacija dužnika, stvara potreba vršenja uvida u sudske spise, zatim pribavljanja klauzule pravomoćnosti i izvršnosti, te posebno pribavljanje informacija o posjedovanju pokretne ili nepokretne imovine, odnosno podataka o primanjima dužnika.

Vrsta Predmeta	Prenešeno iz ranijih godina	Primljeno u 2023.g.	Ukupno u radu 2023.g.	Riješeno u 2023.g.	U radu sud organ uprave	Postotak riješenosti
"It" (izvršni postupak za sudsku taksu)	3.478	1943	5.421	1.532	3.889	28.26%



Iz navedene evidencije, vidljivo je da je vršena uplata predmetnih novčanih sredstava na račun Kantona Sarajevo, a vrijednost koja je uplaćena na ime sudske takse za 2023. godinu iznosi 731.661,36 KM do sada je najznačajnija i pokazuje tendenciju rasta prihoda po tom osnovu.

NAPLATA TROŠKOVA PARNIČNOG I IZVRŠNOG POSTUPKA U 2023.GODINI


Zahvaljujući olakšanoj komunikaciji sa Ministarstvom finansija KS na mjesečnom nivou elektronskim putem zaprimamo podatke o naplaćenim troškovima postupaka.

Prema tim podacima naplaćeni sudski troškovi za 2023.godinu iznose 163.224,90 KM, što je u odnosu na prethodni period značajan napredak. S tim u vezi potrebno je ponovo ukazati na značaj izmjena ZPP-a kojim su navedni troškovi pripali Pravobranilaštvu kao zakonskom zastupniku Kantona Sarajevo koji na ovaj način naplaćuju sredstva u budžet Kantona.

Pored toga što se iznos iz godine u godinu povećava i predstavlja pozitivnu stavku u našem radu, dobra strana navednog je i u činjenici da se Pravobranilaštvo ne zatrpava neosnovanim tužbenim zahtjevima.

Ostvarujući ovako zapažene finasijske rezultate smatramo da posebna stavka „naplata troškova“ zaslužuje pažnju, te je zbog navedenog razloga detaljno izvještajem o radu i opisujemo. Iznos na ime naknade troškova za jednu godinu u visini od 163.224,90 KM, pored sudskih taksi (naplaćeni iznos od 731.661,36 KM) nije zanemariv kada se uzme u obzir nadležnost i funkcija Pravobranilaštva, a to je prvenstveno zaštita imovinsko pravnih interesa u postupcima zastupanja pred sudom.

Sljedećim grafikonom prikazani su naplaćeni sudski troškovi.



PRAVNA MIŠLJENJA

Shodno članu 15. Stav 2. Zakona o pravobranilaštvu, organi i organizacije Kantona Sarajevo, čije interese zastupa ovo Pravobranilaštvo, dužni su pribaviti pravno mišljenje Pravobranilaštva, prije zaključenja ugovora o kupoprodaji, zamjeni, zakupu, prenosu na privremeno ili trajno korištenje i raspolaganje stvari uz naknadu ili bez naknade, ugovora o koncesiji, ugovora o građenju, kao i drugih ugovora kojima se pribavljaju stvari ili se raspolaže imovinom Kantona. Pravobranilaštvo u skladu sa Uredbom o postupku i načinu pripremanja, izrade i dostavljanja propisa daje mišljenja na nacрте zakona kojima se regulišu imovinsko – pravna pitanja.

U 2023 godini Pravobranilaštvo je dalo značajan broj pravnih mišljenja što je vidljivo iz tabelarnog prikaza, ali svakako napominjemo da se radi o poslovima koji iziskuju jako puno vremena i stručnosti i čija važnost nije manja od naprijed navedenih predmeta u kojima Pravobranilaštvo vrši zastupanje. Pravobranilaštvo cijeni da adekvatno i stručno dato prethodno mišljenje na dostavljeni prijedlog ugovora imovinsko-pravne prirode u značajnoj mjeri doprinosi zaštiti imovine i imovinskopravnih interesa Kantona Sarajevo, pa samim tim ishodu eventualne parnice.

U izvještajnom periodu, kao i u prethodnim godinama, bio je značajan broj predmeta u radu Pravobranilaštva, koji se odnose na davanje mišljenja na Sporazume koji zaključuju Kanton Sarajevo i njegovi organi sa drugim nivoima vlasti, te domaćim i međunarodnim pravnim licima, a u cilju realizacije projekata značajnih za Kanton Sarajevo kao i njegove građane.

Smatramo važnim istaći da je uloga Pravobranilaštva u pružanju pravne pomoći kao i davanju pravnog mišljenja od velikog značaja za Kanton bila na predmetu koji se tiče izgradnje MUP-ove zgrade na Pofalićima, na koji način se realizovao Zaključak Skupštine KS o rješavanju imovinsko pravnih odnosa radi izgradnje MUP-ove zgrade na navednom lokalitetu.

Tabelarni prikaz prikazuje broj datih mišljenja te postotak njihove riješenosti.

Vrsta Predmeta	Prenešeno iz ranijih godina	Primljeno u 2023.g.	Ukupno u radu 2023.g.	Riješeno u 2023.g.	U radu sud organ uprave	Postotak riješenosti
"M" (mišljenja)	33	245	278	248	30	89.21 %

VANSUDSKE NAGODBE

U izvještajnom period Pravobranilaštvo je poduzimalo značajne aktivnosti u postupcima zaključenja ugovora o vansudskoj nagodbi sa zaposlenicima organa i institucija Kantona Sarajevo kojima su pravomoćnim i izvršnim sudskim odlukama dosuđena neisplaćena potraživanja iz radnog odnosa.

U postupku izvršenja planiranih budžetskih sredstava kroz zaključenje vansudskih nagodbi sa zaposlenicima organa i institucija Kantona Sarajevo kojima su pravomoćnom i izvršnom sudskom odlukom dosuđena potraživanja iz radnog odnosa Pravobranilaštvo Kantona Sarajevo je preduzelo niz pripremnih radnji (prisustva sastancima sa predstavnicima Ministarstva finansija, Ministarstva pravde i uprave Kantona Sarajevo i Službe za zajedničke poslove Kantona Sarajevo, izrade nacrtu Ugovora o vansudskoj nagodbi, izrade nacrtu ugovora o vansudskoj nagodbi itd.) i

daljih aktivnosti koji su rezultirali zaključenjem Ugovora o vansudskoj nagodbi u velikom broju i značajnom uštedom budžetskih sredstava.

Vlada Kantona Sarajevo je u maju 2023. godine objavila poziv zaposlenicima organa i institucija Kantona Sarajevo/njihovim punomoćnicima advokatima za zaključenje Ugovora o vansudskoj nagodbi.

Po gore navedenom pozivu javio se neočekivano veliki broj zainteresiranih lica kako na zaključenje Ugovora o vansudskoj nagodbi te je sveukupno zaprimljeno 811 Ugovora o vansudskoj nagodbi, čija realizacija je okončana u 2023.godini prema ustaljenim procedurama iz ranijih godina.

STAMBENI PREDMETI

Kada je u pitanju segment djelovanja u vezi realizacije imovinskih zakona, ovaj organ je dao izuzetan doprinos u privatizaciji stambenog fonda, odnosno u realizaciji Zakona o prodaji stanova na kojima postoji stanarsko pravo tj. kroz postupanje u vezi ovlaštenja Pravobranilaštva koja su proizilazila iz člana 29. citiranog Zakona, a odnose se na kontrolu utvrđenja cijene stana u ugovoru.

Naprijed smo iskazali tabelarno broj iskontrolisanih ugovora o otkupu stanova, u skladu sa Zakonom o prodaji stanova na kojima postoji stanarsko pravo ("Sl. novine F BiH", broj 29/97, sa izmjenama), te u skladu sa Zakonom o vraćanju, dodjeli i prodaji stanova ("Sl. novine F BiH", broj 25/05 i 2/08).

Vrsta Predmeta	Prenešeno iz ranijih godina	Primljeno u 2023.g	Ukupno u radu 2023.g	Riješeno u 2023.g	U radu sud organ uprave	Postotak riješenosti
"Su" (stambeni)	0	9	9	7	2	77,78%

PREDMETI U PRIPREMI

Riječ je o predmetima u kojima zahtjeve za postupanje dobijamo od organa koje zastupamo u postupcima, shodno odredbama Zakona o pravobranilaštvu. Naime, u vezi sa svim vrstama pravnih pitanja, nedoumica u vezi sa pokretanjem parničnih postupaka, kao i u ostalim pravnim pitanjima o kojima se organi uprave obraćaju upitom, Pravobranilaštvo otvara predmete pripreme pred parnicu. U tim predmetima prikupljamo potrebne informacije i dokaze, te na temelju istih procijenjujemo i odlučujemo o neophodnim koracima, odnosno da li ćemo u konkretnom slučaju pokrenuti neki od postupaka pred sudom.

Vrsta Predmeta	Prenešeno iz ranijih godina	Primljeno u 2023.g.	Ukupno u radu 2023.g.	Riješeno u 2023.g.	U radu sud-a, organ-a uprave	Postotak riješenosti
"Pr" (priprema)	117	36	153	47	106	30.72 %

IZVJEŠTAJ O JAVNIM NABAVKAMA

za period od 01.01.2023. - 31.12.2023. godine

Pravobranilaštvo Kantona Sarajevo u 2022. godini provodilo je javne nabavke u skladu sa Zakonom o javnim nabavkama (Sl.novine BiH br.39/14 i 59/22). Tom prilikom ugovoreni organ provodio je postupke Direktnog sporazuma u skladu sa članom 87. i 90. Zakona o javnim nabavkama i Pravilnikom o postupku direktnog sporazuma Pravobranilaštva Kantona Sarajevo vodeći računa o sredstvima koja su mu odobrena u Budžetu.

Član 87. Zakona o javnim nabavkama definiše da je direktni sporazum jedan od tzv. postupaka za dodjelu ugovora male vrijednosti.

Ugovorni organ provodi postupak direktnog sporazuma za nabavku robe, usluga ili radova čija je procijenjena vrijednost jednaka ili manja od iznosa od 6.000 KM bez poreza na dodanu vrijednost. Pravilnikom o postupku direktnog sporazuma je propisana procedura za provođenje postupka nabavke putem direktnog sporazuma i definisano da se direktni sporazum smatra zaključenim:

- kod nabavki čija je vrijednost do 1.000 KM prilaganjem računa ili druge odgovarajuće dokumentacije;
- kod nabavki čija je vrijednost veća od 1.000 KM ugovorni organ je dužan zaključiti ugovor.

Direktni sporazum je članom 90. Zakona o javnim nabavkama definisan kao postupak u kojem ugovorni organ nakon ispitivanja tržišta traži pismeno prijedlog cijene ili ponudu od jednog ili više ponuđača i pregovara ili prihvata tu cijenu, kao uslov za konačan sporazum.

Izvještajem su obuhvaćene aktivnosti prema predmetu nabavke, vrsti postupka, vrijednosti ugovora, izbora dobavljača za dodjelu ugovora (ekonomski najpovoljnija ponuda).

U dole prikazanoj tabeli detaljno su prikazane sve javne nabavke koje je u izvještajnom periodu provelo ovo Pravobranilaštvo.

IZVJEŠTAJ O REALIZACIJI JAVNIH NABAVKI					
Red. Broj	Opis nabavke	Oznaka JRJN	Vrsta postupka	Vrijednost ugovora bez PDV-a	Datuma zaključenja ugovora/fakture
1.	Najam printera i usluge štampanja	79810000-5	Direktni sporazum	4000,00	Januar
2.	Nabavka kancelarijskog materijala	30192000-1	Direktni sporazum	5500,00	Januar
3.	Nabavka materijala za čišćenje	39830000-9	Direktni sporazum	3000,00	Januar
4.	Osiguranje zaposlenika	66510000-8	Direktni sporazum	1260,00	Januar
5.	Nabavka Dizel-a	09134220-5	Direktni sporazum	3500,00	Januar
6.	Ugovor o ovjeri godišnjeg obračuna za 2022. godinu	79211000-6	Direktni sporazum	500,00	Januar
7.	Pretplata na online izdanje Službenih novina	22211100-3	Direktni sporazum	205,13	Januar
8.	Pretplata na printano izdanje Službenih novina	22211100-3	Direktni sporazum	624,80	Januar
9.	Pretplata na pravnu bazu podataka	79980000-7	Direktni sporazum	1103,76	Januar
10.	Godišnja članarina za pomoć na cesti	79980000-7	Direktni sporazum	80,00	Januar
11.	Objava oglasa	79341000-6	Direktni sporazum	280,00	Januar
12.	Prijem, obrada i kontrola podataka iz finansijskog izvještaja	79211000-60	Direktni sporazum	70,00	Februar
13.	Nabavka omota spisa bijeli	22820000-4	Direktni sporazum	307,70	April
14.	Usluge štampanja omota spisa bijeli	22458000-5	Direktni sporazum	2810,00	Tokom cijele godine

15.	Usluge popravke i održavanja vozila	50112000-3	Direktni sporazum	4000,00	April
16.	Nabavka računara	30213300-8	Direktni sporazum	3135,60	Juli
17.	Registracija vozila	71631200-2	Direktni sporazum	216,90	Avgust
18.	Osiguranje vozila	66512100-3	Direktni sporazum	355,00	Avgust
19.	Nabavka switch uređaja	30200000-1	Direktni sporazum	98,60	Septembar
20.	Usluge reinstaliranja aplikacije	72210000-0	Direktni sporazum	151,50	Septembar
21.	Nabavka stolica	39112000-0	Direktni sporazum	933,33	Septembar
22.	Nabavka računara	30213300-8	Direktni sporazum	5169,90	Septembar
23.	Nabavka externog SSD diska 1TB	30234000-8	Direktni sporazum	450,00	Novembar
24.	Nabavka UPS uređaja	30200000-1	Direktni sporazum	3440,00	Novembar
25.	Nabavka arhivskih ormara	39132100-7	Direktni sporazum	1680,00	Novembar
26.	Nabavka kancelarijskih ormara	39122100-4	Direktni sporazum	990,00	Decembar
27.	Nabavka četiri zimske gume	34351100-3	Direktni sporazum	491,60	Decembar
28.	Usluge najma skladišta za pohranu guma	63120000-6	Direktni sporazum	42,75	Decembar
29.	Nabavka skenera	30216110-0	Direktni sporazum	2134,00	Decembar

SISTEMATIZACIJA RADNIH MJESTA

Unutrašnja organizacija Pravobranilaštva Kantona Sarajevo uređena je Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine.

Poslovi iz djelokruga Pravobranilaštva Kantona Sarajevo vrše se u okviru sljedećih organizacionih jedinica:

1. Odjeljenje nosilaca pravobranilačke funkcije;
2. Odjeljenje za upravu, normativno administrativne, opšte, tehničke i pomoćne poslove.

1. Odjeljenje nosilaca pravobranilačke funkcije

Odjeljenje nosilaca pravobranilačke funkcije vrši poslove na osnovu Ustava BiH, Ustava FBiH, Ustava Kantona Sarajevo, zakona i drugih propisa i općih akata donijetih u skladu sa odgovarajućom zakonodavnom regulativom, u skladu sa nadležnostima iz Zakona o pravobranilaštvu (poslovi zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton), te također vrši i druge poslove na osnovu Zakona o pravobranilaštvu.


2. Odjeljenje za upravu, normativno administrativne, opšte, tehničke i pomoćne poslove

Odjeljenje za upravu normativno administrativne, opće, tehničke i pomoćne poslove, organizuje i izvršava poslove u cilju što potpunijeg i efikasnijeg izvršavanja osnovne djelatnosti Pravobranilaštva Kantona Sarajevo, te izvršavanje ostalih prava i obaveza Pravobranilaštva Kantona Sarajevo utvrđenim odgovarajućim zakonskim propisima (izrada normativnih akata, izrada budžeta, poslovi iz radnog odnosa uposlenih), godišnji odmori, plaćeno odsustvo, poslovi pisarnice (prijem i otprema pošte) vodi upisnike, ažurira spise, arhiva predmeta, poslovi AOP (automatska obrada podataka), obrada i priprema predmeta, obračun i kontrola ugovora, finansijsko računovodstveno poslovanje, rad sa strankama i drugih poslova po naređenju Pravobranioca koji doprinose efikasnijem radu Pravobranilaštva Kantona Sarajevo.

U skladu sa Pravilnikom o unutrašnjoj organizaciji Pravobranilaštva Kantona Sarajevo broj: 53/17 od 16.06.2017. godine., u Pravobranilaštvu Kantona Sarajevo sistematizovana su 23 radna mjesta, kao u slijedećem tabelarnom prikazu.

Sistematizovana radna mjesta	Broj mjesta
Pravobranilac	1
Zamjenici pravobranioca	7
Sekretar Pravobranilaštva	1
Šef unutrašnje organizacione jedinice	1
Stručni savjetnik	2
Stručni saradnik	1
Stručni saradnik za ekonomske poslove	1
Viši referent – tehnički sekretar	1
Viši referent za računovodstvene i druge poslove	1
Viši referent za parnične i izvršne poslove	2
Viši referent za poslove pisarne	1
Referent za dokumentaciju - arhivar	1
Viši referent - daktilograf	1
Pomoćni radnik	1
VKV - Vozač	1
Ukupan broj sistematizovanih radnih mjesta	23

Pravilnikom o unutrašnjoj organizaciji Pravobranilaštva Kantona Sarajevo, predviđeno je, dakle, jedno mjesto pravobranioca, sedam mjesta zamjenika pravobranioca, šest državnih službenika i devet namještenika.



OCJENA STANJA I POSTIGNUTI REZULTATI

Analizirajući rad i rezultate rada Pravobranilaštva Kantona Sarajevo tokom 2023. godine, može se zaključiti da je Pravobranilaštvo Kantona Sarajevo ostvarilo dobre rezultate posebno uzimajući u obzir aktivnosti ovog Pravobranilaštva na poslovima zaštite imovine i imovinskih interesa Kantona Sarajevo, što je rezultat predanog rada nosilaca pravobranilačke funkcije, kao i svih zaposlenih u Pravobranilaštvu Kantona Sarajevo. Takođe iz ovog Izvještaja može se utvrditi, da je Pravobranilaštvo Kantona Sarajevo u izvještajnoj godini, kako zastupanjem pred sudovima i drugim organima, tako i kroz davanje prethodnog pravnog mišljenja i obavljanja drugih poslova iz okvira nadležnosti, te pružajući pravnu pomoć, pa i dalje usljed očitog nesrazmjera u broju predmeta naspram broja nosilaca pravobranilačke funkcije i obavljanja svojih zadataka, održao visok nivo rada i postignutih rezultata.

Smatramo da je ovo Pravobranilaštvo u izvještajnom periodu, kao i prethodnih godina, krajnje profesionalno i uspješno obavljalo poslove zaštite imovine i imovinskih interesa Kantona Sarajevo i pored velikog broja pritisaka koji su usmjereni na rad ovog Pravobranilaštva, a imajući u vidu i činjenicu da u punom kapacitetu zastupa i štiti imovinu i imovinske interese općine Ilijaš.

Pored priliva novih i prisustva veoma složenih predmeta iz ranijih godina koji zahtijevaju poseban pristup, vrijeme za proučavanje činjenične i pravne situacije, izuzetno širokog dijapazona djelovanja ovog organa i kontinuiranog proširivanja nadležnosti Pravobranilaštva drugim propisima, svi poslovi su se u izvještajnom periodu obavljali ažurno i blagovremeno, stoga smatramo da je ovaj organ opravdavao svoju funkciju.

SARADNJA PRAVOBRANILAŠTVA SA ORGANIMA KOJE ZASTUPA

Saradnja Pravobranilaštva Kantona Sarajevo sa svim organa uprave, Javnim preduzećima i institucijama čiji osnivač je Kanton Sarajevo se poboljšala u izvještajnoj godini. Primjećujemo da su organi sa kojim surađujemo ažurniji u dostavljanju tražene dokumentacije a što je rezultiralo kvalitetnom i otvorenom saradnjom.

Ovdje smatramo bitnim naglasiti da se saradnja ne odnosi samo u postupcima zastupanja, dakle saradnja nije fokusirana samo na određene predmete u kojim se Pravobranilaštvo Kantona

pojavljuje kao zakonski zastupnik Kantona Sarajevo ili njegovih organa. Saradnja se jednako tako ogleda i u održavanju velikog broja sastanaka na kojima prisustvuju predstavnici Pravobranilaštva radi davanja potrebnih pravnih savjeta, smjernica i uputa, a sve radi donošenja pravilnih zaključaka i odluka koji će biti u najboljem interesu Kantona Sarajevo.

Shodno članu 3. Zakona o pravobranilaštvu ("Sl. novine Kantona Sarajevo", br. 33/2008 - prečišćen tekst, 7/2012, 44/2016 i 45/2021) državni organi, preduzeća (društva) i druga pravna lica dužni su Pravobranilaštvu dostavljati podatke i obavještenja o ugrožavanju, narušavanju ili osporavanju prava i stvari u vlasništvu Kantona radi preduzimanja pravnih radnji i sredstava za koje je Pravobranilaštvo ovlašteno, te na zahtjev Pravobranilaštva, dostaviti podatke, obavještenja i spise koji su mu potrebni za preduzimanje radnji za koje je ovlašteno, o čemu navedene institucije trebaju naročito voditi računa, kako bi se izbjegle situacije u kojima bi Pravobranilaštvo, ne svojom krivicom, bilo dovedeno u situaciju da eventualno ne zastupa neki od organa na adekvatan način.

Ovaj organ će u cilju zaštite imovine i imovinskih interesa Kantona Sarajevo, a naročito u sudskim postupcima, održavati dobru poslovnu saradnju sa organima Kantona Sarajevo, te težiti uspostavi još kvalitetnije odnose, a sve u cilju stručnije zaštite imovine i imovinskih interesa Kantona. Ovo naročito kada se imaju u vidu odredbe Zakona o parničnom postupku FBiH i poštivanje zakonskih rokova, koji su prekluzivni, po kojem se na pripremnom ročištu moraju istaći sve činjenice i dostaviti svi dokazi, tako da je organ koga zastupa Pravobranilaštvo, obavezan dostaviti Pravobranilaštvu izjašnjenje na činjenične navode tužbe, kao i sve dokaze koje posjeduje.

Kao svoju prednost u budućnosti ovaj organ vidi upravo u blagovremenoj, kontinuiranoj, efikasnijoj poslovnoj saradnji, a sve u zajedničkom interesu, a to je ishodovanje pozitivnih rezultata kao i zaštita imovine i imovinskih interesa Kantona Sarajevo.

PROGRAMSKA ORJENTACIJA ZA NAREDNI PERIOD

U ostvarivanju principa ustavnosti i zakonitosti i ostvarivanju funkcija i zadataka koji proizilaze iz Zakona o pravobranilaštvu, aktivnosti Pravobranilaštva će i u narednom periodu biti usmjerene na:

- poduzimanju mjera i aktivnosti radi pravne zaštite imovine i imovinskih interesa Kantona Sarajevo;
- u saradnji sa drugim organima (tužilaštvo, sud i dr.) osigurati najveći stepen pravne zaštite imovine i imovinskih interesa Kantona Sarajevo;
- afirmisanju svih vidova preventivne djelatnosti, kao što su sporazumno rješavanje spornih odnosa;
- kontinuirano praćenje pojava i problema u vezi primjene zakona u praksi, te inicirati putem nadležnih institucija izmjene istih;
- osigurati saradnju sa federalnim organima i drugim organima, sa pravobranilaštvima na svim nivoima radi ujednačavanja prakse i zauzimanja stavova po istim ili sličnim pravnim pitanjima;
- intenzivirati svoje aktivnosti na ukazivanju Skupštini i Vladi Kantona Sarajevo na uočene pojave i probleme koji ugrožavaju i narušavaju imovinu Kantona Sarajevo, a do kojih saznanja bude dolazilo kroz rad na predmetima, kao i kroz podatke i obavještenja koja

dostavljaju državni organi, preduzeća i druga pravna lica, te davati prijedloge za sprječavanje istih;

- inicirati aktivnosti na ažuriranju evidencije o imovini Kantona Sarajevo u saradnji sa svim organima kojima je povjereno korištenje imovine Kantona Sarajevo;
- pokretati postupke radi upisa stvarnih prava u korist Kantona Sarajevo i pristupiti knjiženju nekretnina u zemljišnu knjigu;
- stalnoj edukaciji nosilaca pravobranilačke funkcije i drugih uposlenika putem savjetovanja, seminara, te kroz kontinuirano praćenje sudske prakse i nove zakonske regulative.

Pored navedenog u cilju unapređenja rada Pravobranilaštva Kantona Sarajevo, ponovno ukazujemo na neophodno uspostavljanje informacionog sistema upravljanja predmetima, čime bi se doprinjelo efikasnijem načinu upravljanja podacima kojim ovaj organ raspolaže. Kako je u pitanju veliki broj predmeta kojim se Pravobranilaštvo zadužuje (parnice, izvršenja, vanparnice, mišljenja, takse i sl...) smatramo opravdanim prednje navedno, a što bi u konačnici olakšalo i unaprijedilo rad Pravobranilaštva u cilju zaštite imovinsko pravnih odnosa Kantona Sarajevo. Ukazujemo da informatičku podršku imaju sudovi, tužilaštva kao i drugi organi koji na svakodnevnom nivou zaprimaju veliki broj predmeta i koji bez jake tehničke podrške teško bi održali svoj rad a što je slučaj i sa ovim organom.


v.d. PRAVOBRANILAC KANTONA SARAJEVO